

皇明續紀三朝法傳全錄

皇明續紀三朝法傳錄卷十一

聖湖 高汝栻 輯

高 鼎煊 較

壬戌天啓二年正月。起吏部郎中趙南星爲太常寺卿。三月。廷試天下貢士。賜文震孟傳冠。陳仁錫等進士及第。出身有差。○巡關御史方震孺出寧前考校。距廣寧四百里。我師敗績。鎮武報至。馳回塔山。已報賊在廣寧矣。芝蔴灣有餉。實多。且通菊花島。斷不可棄。震孺零丁東去。過八里舖。更歷寧前。與副使張應望夜無燈燭。相與坐敗垣中。達旦。次日抵中前。見西虜二十餘騎。掘倒皇明法傳錄卷十一 聖湖 高汝栻 輯

唐子于是
麻溪橋之
麻石

千秋問才
士也何難
一科其人
所與其寬
實難自白

西門城樓在開廂放火見震孺放箭射殺家丁之馬從
者急阿曰按院至虜遂遁去斯時死屍填塞皆遼之叛
民所殺西兵也至芝蔴灣給守關將士糧關外人烟斷
絕前此無烽火中前無守兵欲遣出探聽人人啼哭而
震孺獨偕祗輿七人同往

禮科給事惠世揚塢恭應天舉人高如麟順天舉人張
惟勤查廷櫛浙江舉人錢千秋各卷俱有關節事下所
司

惟勤以表中坐有關節主考添改批語查係買人代
筆千秋三場清美無愧高科然首場七義每一作煞
尾一字牽強支吾及合七作順序念元是一朝平
步上青天竟為開寶千秋謹成七司亦奉卷云

產揚生長
遠地以著
英猷用
宜謀垣方
正爲一時
之範

起原任叅政閻鳴太爲山東叅政兵部主事袁崇煥爲
山東僉事俱山海關監軍○改王永光爲戶部尚書總
督倉場馮從吾左僉都御史協理院事○命贈巡撫徐
可求左都御史分守道孫好古大理寺卿賂日升光祿
寺少卿各廕于世襲本衛正千戶仍與祭塋

三月禮科惠世揚等疏言奸相典兵內監典兵外戚典
兵劾大學士沈漣以募兵一着爲進身之地并爲護身
之符且羽林禁軍原自不乏淮陰使其門客晏日華潛
入大內誘劉朝等練兵日進奸細名爲養批繇實爲蓄
豺虎頗使聖明之朝再見江彬之事國家勳臣誠

臣原不同途。助臣世爲將種。間詰兵戎。惟有外戚不可。今鄭養性等。潛窺聲息。廣結奸徒。厚募死士。馴至長史招兵。親王亦招兵。職不知引賊入室。意欲何爲。疏入。嚴旨切責。世揚而以溫旨留淮。○刑部主事王之寀奏言。先帝之仇未復者三。總之用藥之方。卽通夷之術。通夷之術。卽挺擊之謀。共一線索。共一提掇。無非深怒積怨。於先帝而荼毒至今未歇也。乞處分通夷者。進藥者。主使張差進來者。京城內外。驅除內應。如龐保。劉茂之徒。無使滋蔓。至于卒不及圖也。上曰。奏內事情。已經皇祖處分。不必追論。

四月四川土司彭象乾等督兵赴援一門戰沒上以其義烈可嘉贈象乾爲大理寺卿弟象國等都司僉事
○升兵部侍郎王在晉爲兵部尚書兼右都御史經畧
遼薊津萊軍務賜莽玉尚方劍優詔獎勉升何士晉右
副都御史巡撫廣西李長庚南京刑部尚書經畧王在
晉上言東事板離一壞于滑撫再壞于開鐵三壞于遼
瀋四壞于廣寧初壞爲危局再壞爲敗局三壞爲殘局
至于四壞捐弃全遼則無句之可布矣逐步退縮至于
山海此後再無一步之可退故人以此爲弃官之地亦
以此快報讐之私臣駕材責之千里旣鞭策漫加忍視

通鑑綱目
卷之四
在事之臣

險。噦之顛蹶。又屬勒紫甲。直令跋躐之難全。不行則以國法繩之。詞嚴而義正。既行則以微言中之。謀詭而機深。甚則借事以微名。無端而起訕。使聞聲者或併其人。而顧影者必潛匿。其跡平地忽生荆棘。暗中盡伏戈矛。真使笑啼不敢行止。皆難。又曰。天下事決烈至此。諸臣尚不回心滌慮。急救傾危。而徒立戶分門。互相攻擊。恐二祖十宗在天之靈。必將昭鑒。非以愛國亦非以自愛也。○自重慶兵變。殺戕院道郡邑諸臣。富順爲賊所據。資陽內江。蘭州望風奔潰。賊兵如入無人之境。長驅威逼成都。巡按薛敷政與左布政朱熒元遣指揮阮世烘。

雷安世瞿英周邦太張愷分兵二千堵截險隘邦太先
至資陽遇賊迎戰下馬投降各兵半隨半散冉世烘至
九泉扎營賊已扎營山上彼此勢臨高山衆寡不敵我
兵陷陣冉世烘雷安世瞿英死之張愷未及進賊兵數
萬已至城下懸旗備號四面夾攻放火焚燒威焰不可
喻通城內僅兵二千分布防禦賊兵薄城攻打我兵矢
石砲銃飛射奮擊賊鋒愈熾又旁掠鄉村慘殺男婦捆
載蜀府庄田米穀爲持久計又恐會城信息外洩于道
口扎營壘空處懸鈴續索以防夜走近川一帶棧道驛
遞官民間之多竄錦官城距京師六千里而遙烽火不

達者數月。○賊既圍成都，復破遵義，賊首符國禎公然
四出招降，約期舉事，傳檄下思南、石阡等處，浸淫無已，
滋蔓難苗。蜀且不支，黔顧堪此乎？奢資往寇成都，其父
在巢觀望，成都若下，便思颺麾向黔。又聞有楊三者欲
自九股引兵往會奢酋，夫九股諸界聯三楚，屢煩征討，
無能得志，假令與苗打成一片，橫衝直撞，誰挫其鋒？如
苗仲慳賊窺黔，貧弱生心已久，合併招呼，同爲煽虐。○
調御史侯震賜于外，以其劾閣臣沈淮也。○奪御史夏
之令俸半年，織染局內監馮忠生事之，令疏叅奉旨。
嚴責奪俸。○御史梁之棟請練鄉勇。○駙馬王昺請招

練鄉兵。上以忠義嘉之。○滿婦諸子及罕不來世伯彥等沿邊要挾賞賚自西河失守羣虜生心滿婦慚已生心諸子擁衆窺塞而罕不來諸酋又伏肆憑凌總督王象乾上其事。○湖廣道御史吳之仁劾登萊巡撫陶朗先前後用餉百萬有餘又拉動梁之垣援海銀十萬兩何棟如募兵行糧二十餘萬領馬價一萬七千全無下落下部勘之。○命宿將杜應魁募兵訓練蕭如薰等分營練兵。○四川安綿道副使劉芬諫湖廣監軍楊述程領兵合攻新都時集陝兵毛兵共六萬餘毛兵者昔年征揚應龍登海望行步如飛跳澗上下者也奢賊盤

踞新都，將城牆加高五尺，四門扎營，欲爲困守計。因尅安岳，攻保寧，聲言直取潼關，保寧人心震動。而芬謙等會集于子來鋪，因攻新都。時矢石如雨，人莫敢近。造雲梯，亦不能攻。我兵移營至牛頭鎮，奢營領馬兵三千步，兵一萬來援。我兵從後出，秦良玉催兵從左出，上官談大孝兵從右出。安綿、建武鎮遠兵從中出，四枝齊發，賊奔入城。城內協從乘隙而逃，遂克新都。賊退入蘭州。○經畧王在晉上疏奏祉、稷山河之重，根基命脉寄于一丸。隄防疎密，安危立判。請陳六略：一曰防內，志二曰詰內奸，三曰飭內備，四曰嚴內衛，五曰節內供，六曰急內

說者謂辨
印八極堂
有口亦難
辨別

應上報聞。御史江秉謙疏論罪樞急宜正法。曰樞堂
與王化貞相比。與熊廷弼相忤。明知西虜間諜俱虛。而
狠于瞞心。明知戰守參差難合。而硬爲責備。何處有機
會。而曰機會可襲。何日可渡河。而曰過河必勝。既欲驅
經畧以出師。又不肯付經畧以節制。既疏置廷弼于廣
寧。又未嘗駐化貞于何地。一味糊塗。一團機械。只殺了
廷弼。便可快心。縱陷了化貞。亦所不顧。是崔鳴故壞邊
疆之情。殆有甚于失機軍機之罪也。上以樞臣奉旨視
師。苛求以阻勇往。調外任用。○薊州緝獲奸細茂杜兵
部張鶴鳴。奏杜茂。題李永芳所差。且招修。下年通李永

芳往來踪跡。命嚴提從公究問。○調刑科給事熊德陽於外刑科主僉駕帖。拏問奸細杜茂。時傳旨到科。不細開名數。止云拿杜茂等。德陽因詰官旗等之一字。包含最衆。恐承行人詭捏。那移波及無辜。兵部尚書張崔鳴。挾其睚眦。據拾上聞。上怒。抗違故調。○南京太常寺少卿區大倫。進聖學三札。曰定聖制。一聖心明聖德。而歸之法堯舜。下旨攸答。○北城德勝門。甕城內。玄帝廟前。大槐兩樹。東西相望。枯朽已久。在西者中心吐烟。在東者亦如之。况風勢甚大。恐致燒燬。隨令鋸倒。而滅。蓋德勝門。甕城之內。非人烟湊集之所。而火突發于

招回大壽
至今得大
將之川皆
震其力也

槐樹實爲不經見之事。兢以爲異云。○巡關御史方震
孺招回祖大壽時。覺華島有米豆二十餘萬石。人民數
萬。船隻器械無數。祖大壽鎮守之。賊知遂欲招祖。是時
賊兵前哨將至寧遠。兵圍塔山。塔山去寧遠僅五十里。
奴輸糧于數百里之外。以攻山海。自不能持久。若因糧
於覺華島。則山海危矣。假令以覺華島之船招降祖大
壽。則山海愈危矣。震孺欲遣水營都司張國卿招回國
卿曰。此事關重大。非按臺自去不可。震孺與張霍鳴審
議。鶴鳴亦言國卿不可輕遣。卽招回大壽。恐無安頓處。
須再作商量。震孺嘆曰。此剝膚之憂也。毅然寫牌諭以

皇明法傳錄

三朝卷十

哲皇帝

利害并諭潰回將士免以寬政。島上士民激以忠義。適有吳良輔者。祖大壽之妹夫也。震孺因遣與國卿往說之。良輔等去八日後。見國卿駕大船十五隻。自東飛來。云。奴酋正欲遣人招降大壽。意在猶豫而我適至。大壽一見良輔。知按院在船。不覺痛哭。生員人民等數百聞諭亦哭。遂糾眾歸順。先載大壽妻子兄弟及士民千五百人至關。大壽仍駐島上。搬運糧草。其救回兵十萬餘人。器甲牛馬無筭。○禮部尚書孫愐行劾舊輔方從哲略謂李可灼藥進紅丸致損聖躬。引許世子不嘗藥之律以罪從哲。縱然無弑之心。却有弑之事。欲辭弑之

先帝今德
孝休目不
宜謂因藥
致府被不

美之名而
當日在內
視病者烏
可以積勞
積虛之後
投以收壯
之劑是以
討奸者憤
激而甚其
詞乃底奸
者借題而
遠之謂君
父何人臣
子可以僥
倖而會其
乎
字宙有大
經緯當紛
驚駭塞之
日而人心

名難免。弑之實。至皇貴妃欲立皇后。禮部執爭。諸科道
力責貴戚。而貴戚上疏請免。乃止。從哲視此。非常大變。
沒無主持。而又以議上尊謚。稱恭恭皇帝。恭者亡國通商。
晉恭帝。靖恭帝。周恭帝。如此繆戾。實呪咀君國。等于是
髦矣。選侍欲垂簾聽政。以受顧命。元臣曾不聞慷慨一
言。若非九卿言官。急請移宮。選侍一日得志。皇上幾
無駐足。以此三事。例彼進藥。一切苟且泄沓。幾于犯天
下之大名義。釀成社稷之大禍患。伏乞皇上大奮乾
剛。赫然震怒。毋妨近習。近習皆從哲所援。板也。毋怕諱
忌。諱忌即從哲所能布置也。立下職奏。會九卿科道。從

直道耿耿
獨存露盤
真情天光
立見有世
道之貴者
要于此際
剖明以存
天理關係
良非細微

皇明法傳錄卷十一

皇帝

八

公詳議將從哲大正肆放之罰速嚴兩觀之誅併將李
可灼嚴加詰問寘之極刑事下部據實會議

光祿少卿高攀龍疏言戚晚鄭氏并其昔日所用之人
皆奴酋奸細近且訛言入干大內矣往者張差謀逆實
係鄭國太主謀劉保謀逆實係蘆受通謀受亦鄭氏之
私人也自張差劉保先後伏誅尤謀必敗敗者必死而
人心積疑不解宜令養性速歸湖廣原籍至李如楨一
家交關鄭氏陷名將殺百萬軍民失千里土地禍延至
今且與李永芳約為內應所當亟正典刑以除禍本者
也崔文昇當先帝哀痛勞瘁之日故用泄藥是明以

法司待罪
人之休與
朝廷待大
臣之休與

藥試也。陛下卽不誅夷，僅止斥逐。今且潛伏京師，意欲何爲？亦當亟正典刑者也。乞早正逆謀之罪。

文震孟曰：昔唐憲宗設杖殺方士柳泌，蓋爲憲宗製長生藥，昔彼豈不欲主之長生，而餌藥不效，殺之，不爲過。後世亦不以爲寬，今可爲逆藥，致聖駕賓天，殺謂之誤，庸醫誤傷平人，律有明罪，况誤傷天子乎？卽肆之市朝，亦人情所共愜，乃與願命同賜金帛，屢經論劾，僅作回藉，又何解于天下後世乎？

○三司法會審經畧熊廷弼、遼撫王化貞、廷弼曰：我起繇田間，伏任經畧，原議駐扎山海，並無駐扎廣寧字樣。都御史鄒元標曰：失地喪城，功罪一體難辭，其責况屢奉明旨內云：題審二字。又有確審二字，公竟然不理。公今日必須暫進刑部，是非自明，公不必抗旨。如此

皆俱不可
不存

反得罪 朝廷弼曰我奉明旨聽問不是送問字樣
焉能將我下獄相爭多時王紀曰公今不肯進部叫錦
衣衛旗校暫時同到天仙菴住一日我上本請 旨定
奪鄒元標問王化貞化貞曰我苦我自知袖取一揭投
上王紀曰公必須還有在朝列班之日遂散訖次日廷
弼上疏自請詔獄事下所司

移論亦公

鄒南華曰王化貞生來一朴實頭地人全不知兵用
虞而反為虞用用而反為用其叛逆如孫得功
輩日侍左右而不知認賊作子伎倆已見片口聲
聲要戰渡河及至明箭一鳴風鶴皆兵鞞鼓錢鏐尚
隔百里之外而奔廣寧如做履匹馬宵遁有憂國之
心而無謀國之智有存胡之志而無滅胡之才是天
下熱心人也亦天下痴心人也熊廷弼言我兵不宜
浪戰而虞不足盡這承芳降情之巨測廣寧人心之

電災

不因語語若持左券料事之智。過化。貞。獨。剛。愷。之
性。虛。憐。之。氣。牢。不。可。破。以。爭。毛。文。龍。功。罪。一。事。而。蒙
化。貞。求。火。之。形。既。分。玄。黃。之。戰。遂。力。爭。鋒。舌。戰。指。守
不。已。而。蒐。乘。調。幸。厲。兵。林。馬。悉。置。等。閑。使。賊。不。成。賊
守。不。成。守。豈。不。負。國
恩。而。貽。笑。于。天。下。乎。

五月京師旱。禱雨之後。伏值雹異。

三春不雨。上惻然軫念。齋居齋禱。且勅群工修者。未
幾雨。雨而冰雹併作。小者如拳。大者若盂。著屋瓦積
俱碎。大小禾稼
毀折。下令修省。

御史蔣允儀奏。迺者兩雹之災。搏擊所及。百物俱傷。視
蘊隆之霜更甚。而陰類之氣橫發于初夏。陽盛之時。更
可畏也。夫變不虛生。各以類應。試思今日以中國之全
盛。而魴辱于酋夷。此何如儆抑乎。以伸誰之厚重而震

南華此脫
與孫宗伯
高昌遂三
疏並讀三
案自明矣

抵于妖孽、此何如晦蒙乎、以鬚眉之丈夫、而開通于婦
寺、此何如卑暗乎、以藉叢煬竈之奸、而托之奉公繁已、
此何如壅蔽乎、似皆陰脅陽之徵也、而法家拂士能爲
皇上長養陽德、忠言謹論能爲皇上發舒陽氣、脉脉
鼓其壯而疏其滯、將廟堂之上、一變而振肅清明矣、
左都御史鄒元標奏言乾坤所以不毀者、惟此綱常而
綱常所以植立者、特此信史、近讀禮部尚書孫慎行一
疏、令人神骨爲悚、卽未必有是心、當時依違其間、旣不
申討賊之義、反行賞好之典、卽謂無其心、無以解人之
疑也、方從哲秉政七年、未聞其輔相何道、但聞一日馬

文憲五日
 先帝册立
 一事自萬
 曆十四年
 以至二十
 八年廷臣
 羽聖圖本
 有貶誦有
 制籍有違
 成廷杖貶
 身殉國尤
 死不接諸
 臣亦何利
 于已而為
 之觸龍解
 乃以小人

上三書催戰斷送百萬將帥士卒血染黃沙但聞其將
 祖宗櫛風沐雨一片遼東地十盡屬夷人又曰臣身為
 風憲之官名在會議之列畏禍緘口勢所不能君臣大
 事今日未明再無有明之日臣官不言再無有言之人
 又曰臣讀學士公彝疏曰六七年間以言及東官者為
 小人不言東官者為君子此何等景象是誰使之盡除
 天下之清流陰剪元良之羽翼此真實錄真史筆也惟
 皇上熟思前年之景象勿忘當日之難危疏入溫
 旨爽答

以太僕寺卿董應舉兼河南道御史管理直隸天津至

日之耶

遷候取稱
保承此疏

山海關等處屯田安插遠民又發銀十萬兩賑卹之

六月御史周宗建目擊時事之非疏言大臣名節宜重

小臣忠告宜寬內臣窺伺宜防外臣附和宜化

按內臣窺伺一款曰近見朝廷處分一二章奏外庭
責實咸謂與寡之也其可測議
焉如魏進忠者目既不解一丁心復不諳大義揭其
忠慮有何遠謀又且耳目頻笑之駭漸與相親宮庭
禮法之事漸苦相近一切用人行政墮于其說必且
東面易面而不知邪正顛倒而不覺等語中外見者
舌咋

三法司會審逃臣高出胡嘉棟韓初命等宜服重刑以

彰軍律

王紀曰遼陽尚在沙鎮高出胡嘉棟等五人則風光
逃盜七百里而高出乃敢倡為提弄廣永之舉豈

惑人心。其說國法。罪更浮于嘉樟。無勝算以固吾圉。乃預蓄一。駿蹄以爲主入。玉閨之計。若驚鳥之振林。而惟恐或後也。生既逃陽之陷。死難者繁。累河西之陷。死難者有。高邦佐一人。骨成灰。干節完。血化碧。爲心丹。雖死猶生也。高出等攜手同行。四服野薄。能年何面目。見升於地下耶。

定李維翰鄭之范梈斬如律

法司審維翰金玉其表。胸中全無甲兵。奴以李永芳爲心腹。我付之兵柄。而不知奴以互市爲機。殺我聽其款。開而不知。一旦變起倉卒。彼方屠城。而紅旗一催。二三萬無辜赤子。利鐵穿鼻。白刃刺胸。二百里山河。拱手送賊。尚忍言哉。鄭之范梈。視危迫爲金穴。倚署道爲襲斷。即攫取官督一節。雖私恨藉別強。胡歷境防守預備。置而不講者。其間門而揖盜。策馬以疾奔。逃之首罪之魁也。大義不食其餘矣。

兵部侍郎陳邦瞻敬陳切要之議。內言內供錢糧及奉

聖夫人。事嚴旨責之。○蕪杭織造太監李實疏奏松

天臣父攻
殊傷國體
指之日奸
罵之日賊
金竟推道
陵夷矣

江知府張宗衡、蘇州府同知楊姜、瓜定物價不行給發，致悞職解。上怒其抗違，各奪俸有差。○刑部尚書王紀奏劾輔臣沈淮，巧能移奪人主之視聽，力足顛倒天下之是非，交結權璫，誅鋤正士，黃台瓜辭已賦，同文館獄將興。又曰：臣指其爲蔡京，而淮不肯認。試取惠世揚、周朝瑞、魏大中、董羽宸等前後諸疏，一一玩味，則京之爲京，以繫括于此矣。疏入，上責其煩言傷雅。

時徐大化疏參廷弼，因及周朝瑞等。王紀以其堂官參大化，久廢職業，日事旁鶻，內有一段云：今有人焉，于此巧能移奪人主，是今之蔡京也。何不出檮中彈文以擊此賊？臺臣楊維垣責紀半吞半吐，紀于是直糾淮云。

安邦彥作
亂
安邦彥不保
不叛比于
流官盡土
官中故稱
忠順者
黔者戶當

升高攀龍太常寺少卿滿朝荐太僕寺少卿○詔前降
給事魏應嘉馮三元張修德劉廷宣併給事郭鞏俱復
原職應嘉等原以言遼事降調今其言既稔左都御史
鄒元標以疏荐故准復職○貴州水西土酋安邦彥作
亂兵圍貴陽我師告急于湖廣巡按御史舒都榮都榮
代聞其事于朝時安酋之亂也勢甚猖獗聲息不通自
龍里甕安俱被焚劫徑圍會城巡撫李儒守東門巡按
史永安守北門布按都三司守西南門總兵張彥芳援
兵住于新添調取遵義獨山等處速赴應援先是逃奔
昌言省城已陷兩院自縊兒報一傳辰嘗士民紛紛逃

固安不當
以安為事
此舉亦才
為唐于延
察其金
益遂致延
而光陰
天朝終
然何如
相安為得
計耶
安自足
西南邊
如安氏者
皆當取
摩輕放
兵為上

竄竄按院出密帖止于四寸與湖廣巡按言黔滇中走
報人役俱已得賄撫按印信亦能雕刻重餉往來尤宜
隄防且奏疏一出賊兵截住不能達于朝故舒代為奏
云

安堯臣冒隴姓并隴地受天朝招撫得蒙足疆臣世
職正臣之妻曰奢杜輝于安位堯臣死位猶存子耳
其秀技逆賊邦表欺其孤寡導以不臣自天啓元年
以奢崇明授速洛縣遂放尤統領僱賊苗仲數萬攻
省城沿城扎營四面埋路把截尸骨遍野致令佈種
無地遷米無途城內軍民餓死無數殺恩石道副使
孫克起安順府推官徐朝綱廣順知州鄭鼎擄往鎮
畢烏同知楊以成迤西守備王慈信是亂也安邦彥
倡之四十八馬頭與頭目安邦俊督連安若山陳其
惡陳萬典等和之遂成是亂云

四月副使徐如珂督率各兵將攻取二郎關佛圖閣賊

衆大敗樊龍等堅據重慶重慶者三面皆江春水泛漲一望瀾漫我固難渡賊亦不能飛其出入必經之要地惟有佛圖閣至二郎關一路故賊自本城通遠門至二郎關連扎一十七大營宿以重兵數萬我兵環江而守一以力防下潰一以密圍攻城出奇取勝巡撫朱燮元曰不若穩據兩關堵截固守使賊酋糧路斷絕應援難來必成擒矣檄下各道徐如珂等出各土舍漢兵精銳分布以圖據關而女將秦良玉等亦從省城下援及至關男婦浮水來降者日至皆言城中米價每斗二兩飢民無從覓食自縊死者無數賊糧雖有數倉兵多食衆

通首虎視
聲震白關
天險可恃
自此關既
得扼要事
奇矣

僅支半月，賊聚于城中，日造小船數十，陰藏江邊。土漢官兵潛與交易，因通消息。我兵于夜得好細，斬之。是時總兵杜文煥亦領毛兵，仰攻佛昌閣。兩軍相搏，幾入其壘。柱石宜撫司、秦明屏逃出賊營，奮勇扑殺，賊兵大敗。我軍入閣，殺死三千餘人，尸積深溝，兩岸皆平。賊營二十餘寨，一時俱空。女將秦良玉縱火以焚，一鼓奪關。樊賊雖盤踞重慶，我兵勢若建瓴，賊衆自是寒膽矣。

樊龍等既據重慶，乘勝長驅，所過焚劫無遺。直犯成都，所造雲梯、旱船、諸具，賊屢堅城，勢如山巖，千里沃野，列寨連營，以斷我外援。疲我兵力，風聲不通，守臣矢死尚存，出奇用計，巧發輒中。迨杜茂董卜之兵以勁旅飛屯，由間道攻入，聲勢一振，百重圍一朝頓解。據渝城，而不能再進，城外半黃，而始得糾合義勇，據

山東白蓮
妖賊作亂

召土司審布緊
關以逾奢穴矣

山東白蓮教逆黨徐鴻儒于文啓攻鄆城破之知縣余
子翼逃于汶上賊殺其二子并典史先是鉅野縣有白
蓮賊楊子雨兄弟各倡異教曹州亦有李太張世等聚
衆千人持挺拒捕俱已就擒而餘黨未散鉅野復有教
首徐鴻儒號衆數千徑圍魏家庄鄆城縣又有教首于
弘忠糾黨千餘圍梁家園梁家園距縣二十里縣官新
任不知設備城上無人固守賊至城四門舉火城中亦
舉火滿路皆紅巾殺人如刈戴紅巾者皆是白蓮教所
暗伏死黨之人也裏應外合知縣逃去城陷○升趙南

乾坤所以
不毀日月
所以常明
相有此思

星爲工部右侍郎協理殿門事務馮從吾左副都御史
協理院事○江西逆棍程鵬自號西山布衣刻有西山
草所載皆天文兵法織緯妄談計書十八本三十三篇
皆言國運修短至于氣數篇尤爲大逆不道城中突起
流言附耳偶語紛紛籍籍一時士民惶惑不知所爲往
往潛移城外避居鄉村若將變起且久者巡撫房壯麗
偵探其倡首之人立斃杖下懸其首以示衆衆廼定○
四川白蓮妖賊洪衆劉應選白仙台等助賊蜂起巡撫
朱燮元擒捕正法

六月詔賜方孝孺祭墓特謚准其妻附塋原籍祠宇勅

義一縣人
特資贈
終二百年
爵仲之氣
增千萬年
修久之基
耳

有司修整。○安邦彥之謀叛也。楊酋餘孽王倫石勝俸
與之合謀。洪邊土司宋萬化爲之羽翼。在王石二賊聚
衆十萬。連結江苗。授我思石王越破渭潭甕。安謀抵偏
橋。下襲沅水。以斷我軍。在宋萬化糾苗仲九股。扎三大
營。盤據龍里。上下要害之處。使不得通。鎮臣張彥芳等
將兵二萬赴援。俱隔龍里。月餘不能進。近入會城。賊兵
合圍。少兵少餉。更得遣總兵一員。統軍一萬。直抵遵義。
以制王石二賊爲妙。王三善上疏乞勅湖廣撫臣督
住辰州。彈壓以爲聲援。廣西雲南巡撫各住境上分路
進兵。爲之犄角。征徭時設。偏沅軍門今雖報罷。欽給關

至更者門
邑皆賊
則前夜左
右無非賊

防尚在、暫賜以料理軍務事、平奏、敬從之。○以鍾羽正
爲左僉都御史、協理院事。○白蓮邪術聚攻鄒滕、陷之。
白蓮焚香聚衆二千餘人、至鄒縣右牆社、蜂擁掠城
中、防守閉門。至次夜、西門鳴鑼三聲、吶喊三聲、城中內
應、斧斫城門、城門自開。縣官查點衙役止二三人、賊遂
進縣、開庫劫獄、知縣窘甚、倉卒無計、任其放火殺人、踞
城自固。郛城賊五方聚集、一時驟發、尤在白日、官兵至
退入城、以保巢穴。至鄒滕之陷、關相村落之邪徒、皆聚
成羣。又吏書門皂之奸宄、潛爲主謀、失在昏夜、署印遁
判郛一杰、知縣姬文胤、懷印逃去。○奢酋攻陷長寧等

莫兒內賊
難防守

縣賊扎營于蒿草坵其勢復張

興文縣知縣張振德閭門死義 詔贈光祿寺卿廕子

祠謚謚烈愍

江陵才相
也權權則

有之然
神廟時多

恐其力復
受賊是

振德南直人以鄉貢詞選令蜀清康惠惠三看邑集
所在尸視值逆酋之變振德甫出棘園急起還邑繞

三日而賊眾奄至督戰力盡慟哭入城率妻錢氏長
媳顏氏次子張綬及其女淑安淑慶北面羅拜盡投
烈炬童仆嚴英等長幼二十二人慷慨同殉長子張
紀以應試先歸得免事聞詔與何廷魁例同卹收

戶部侍郎陳大道奏復舊輔張居正祭塋謚廕上以其

輔政十年天下久安功不可泯從之文忠之謚着議改

六月庚戌星變山東巡撫趙彥奏天上日明當午東二

丈許偏北有一星明顯隨日而轉○山東都司廖棟破

三月去事長 二 一 皇帝 一

武安賊巢焚之撫臣趙彥奏捷妖賊盤踞巢穴動以數萬官兵奮勇力戰斬首三百餘顆火炮打死六七百人又燒毀武安集賊巢近旁小寨賊胆甚寒勢窮蹙悉奔梁家樓又都司楊國棟與賊對壘斬首千級其東南東北之賊漫天冲踏我軍先以砲攻後馬步兵繼之賊不能支復斬首二千餘級撤兵而回賊垂涎兗府尾其後襲之我軍復捷稱連勝云○造青冊

時不作領典需外解甚急而侵冒奸弊百出科議各造一青冊一様二本于進表之日一送工部一送工科互相覈察

侍郎王德完卒○原任大學士方從哲自請罷奪明罪

釋疑弗允。○大學士孫承宗疏欲親詣關門相度商議。上曰卿親詣關門相度具見爲國急公勤勞至意朕心甚悅。抵關所問過邊鎮兵馬戰守議築邊垣榆關險隘并犒賞事宜務逐一詳慎。急則差官馳報緩則俟卿遞歷邊關事完還奏。加太子太保賜蟒玉銀幣以示隆禮。○禮部以國本抗疏禁斃及建口詔獄受禁遣戍者宜贈官廕子。湖廣僉事馮應京等九員建之。國本降斥還荒及註誤下獄爲民永錮殺身者量與贈官。原任吏部員外顧憲成等六十六員詔從之。

兵部尚書張鶴鳴行邊視師伏命。上冷入秉中樞鶴

鳴再三乞骸骨不從。○安邦彥自二月初九統領羅賊苗仲數萬攻圍省城。迄今五閱月。造雲梯。製滾廂。築墩台。百計攻城。恨士民固守。將環城新舊坟墓無不剝掘。枯骨無不挑揭。一日打一堡。破一塞。擄掠男婦數百。自西山過明月。燠一洞。殺一堡。劫掠牛馬數百。向東山過。今日縛我一塘。報明日縛我一居民。竟牽至城外數武。且殺且罵。今日挑戰。明日環攻。迄無休息。沿山扎營。四面伏路。把截趕殺。屍骸餓死無數。外又攻威清。攻平垣。攻安莊。烏撒。攻安南。普安。攻定番。貴房。又陷安順。陷廣順。陷龍里。陷畢節。赤水在在狂逞。處處盤據。千里内生。

親登江之
覆轍我軍
每為賊所
愚則撫亦
未可輕議
也

靈殺擄殆盡方困我普安及南安其勢最急該衛求救于滇滇撫遣都司李 嘗領兵四千水援急主招安戒其不可妄殺一夷賊首羅應魁等率眾詐降迎之西盤江渡口執禮甚恭誘至疊水舖賊伏兵四起遂至全軍盡沒 ○山東巡撫趙彥奏妖賊聚眾日多官兵策應日難乞暫留秋珥邊軍隨營剿賊可省招募之費從之 ○陝西道御史蔣九儀奏貴州巡撫李樞索取安氏金盆以致激變命嚴查奏復 ○總兵薛來胤叅政蘆瑛田付使張孝用計誘賊樊龍張彤石永高詣降因而擒之捷聞 上嘉其勞績蘆瑛田親至城門呼張彤說其降

三巴半壁
 乾坤所在
 震雷四省
 小民勸力
 是處驅除
 今天賊寇
 播群醜立
 平快試
 勿拘資格
 此聖王立
 賢無方之
 意然臣條
 未免成心
 難破甲意

形偕石永高、登舟過江、既復往城下、使理論樊龍、龍亦
 登舟降、因而成擒、一調陝西道御史劉廷元于外、奪其
 三秩、時吏部尚書張問達等、覆奏御史劉廷元、當先帝
 青宮危疑、豈不熟聞之、突有張差、持挺闖入宮門、此何
 等大變、廷元職司巡視、宜何如憤激、乃徐徐云、迹若風
 魔、親同點俗、以君父為天之戚、而斷以不關休戚之詞、
 幸仗皇祖神明、立斬、以結此案、設真信為風魔、俾元究
 漏網、不知廷元今日何辭、以謝天下、提牢主事王之案
 明其不風不賴、有心有膽、此語可以動 皇祖之慈念、
 可以堅先帝之孝思、可以遏官禁之邪謀、可以明臣子

楊東

漢差用官一事肅之者猶謂無罪而以王大臣負焉事為屏夫大臣張手舉至官門馮保置於其袖欲傾高輔非實事也張老之擬誰授之實而身無完膚詞不及張赦故獲釋教不問今

之忠愛功在國本義在人心廷元不聞一語贊其長反若挾私以持其短噫噫于忠義亂賊之混將指衛前星者為亂賊乎阿後宮者為忠義乎抗正直者為亂賊乎公邪媚者為忠義乎臺臣馬逢皐科臣張鵬雲貪憤不平連章瀆奏皆為宗社靈長慮至深遠也疏入降廷元三級調外

江日彩曰張差肆不軌之謀是闈宮之孽罪誠大逆然當時處法只合如此何者先帝固無恙亦可以全骨肉也若必直窮到底則必族外戚去愛妃廢親藩此等光景能得之神廟否神廟不傷心否先帝能安否縱甚有明行之法有不能明行之法直以行之史冊之類是也若夫何士晉陸大受等直攻諸秘危言正論侃侃不諱可以折奸逆之萌而寒賊臣之膽以風無慮者所以全家庭骨肉之恩而定中外一

差所供則
有據與否
實處之以
全倫今宜
直筆之以
存實此理
論也

時之危有何士晉陞大受諸臣之偉議所以折奸謀
之路而維萬古綱常之大○有此處法不可無此議論
有此議論無坊有此處法兩存之乃成
偏執之則非矣予以為此極虛公之論

七月以錦衣衛都督許顯純鎮撫司理刑管事○戎政
尚書張我續予告回籍○命考選勿拘資格卽科貢一
體與選○陝西總督李起元題本處北門三更門鎖連
响三聲其聲甚震鎖開落地隨即窺視並無人影形踪
○副使劉時俊回籍張我續劾其遣人往賀奢賓及賞
銀回帖并爲逆賊投遞訴辭上以時俊素受國恩此
事亦未可輕信着查明具奏○妖賊攻陷夏鎮夏鎮者
亭長發跡之地河賊出沒之所呂梁遙急根運舟楫唧

百自運賊
起攻陷城
邑徐濟一
帶水陸並
梗自南自
北咽喉斷
矣

尾斜度。京通開津所攸賴者也。從來糧運過洪當在六月。巡漕使者與漕糧道會合發運。未濟則設祭以乞靈。既濟則設宴以共慶。復爲具疏以報慰天子。今兵戎阻之。南船必不可渡。南糧必不可來。軍士必不能飽。人心必不能安矣。○聊城鉅野妖賊蕩平。事聞上。以如未解散。合力勦除。并責該撫平定鄒滕之賊。○吏部尚書張問達等會勘紅丸事。謂行等忝之衆論証之當時情實。李可灼先見。內閣臣等初不知。至奉 皇考宜詔。英國公輔臣及九卿科道進乾清宮候之。丹墀輔臣與臣等共言可灼之藥。或言不可進。或言可進。俱慎重未敢決。

注歷伯曰
 廣行從帝
 兩道也當
 日親見名
 宜來証也
 先帝果因
 可灼而實
 大可灼果
 由從哲而
 進藥本末
 曲折非新
 見其能所
 張六國公
 劉韓二國
 老與張黃
 董六尚書

又宜臣等進宮內跪于御榻前問 聖體安奉 皇考
 諭朕以哀傷勞瘁感寒身甚虛弱并諭臣等輔我 皇
 上為堯舜隨問等官李可灼在何處趨詔至 御前視
 疾啓進紅丸 皇考意欲進藥取奶乳和藥可灼和之
 以玉碗進一丸少頃又復進一丸至中又問聖躬安論
 服藥後少出此汗身覺溫熱就寢此進藥之始末英國
 公輔臣與九卿科道所共見聞者是時輔臣與諸臣視
 皇考之疾為我 皇上之保安急迫倉遑悽然共切殷
 逆二字何可忍言恐言在諸臣故諒輔臣無是心也但
 以 皇考調攝慎養之身丸藥不可輕易進可灼妄意

見存張行
魚盡忘善
志如師子
模稜如味
道使其掖
實會奏指
常可明議
論可定何
至焉勝乃
亦

進之、輔臣未能力止、九卿與輔臣同候于宮門、外均有
罪焉、至于可灼之處、分人以票擬罪從哲、可灼進藥之
後、遼皇考賓天之期、中外其痛之恨之、乃先票罰俸、
繼票病去、則失之太輕、失之輕、則即投其輕、而罪其不
盡法處也、不重處、可灼何以慰皇考、服中外、而正大
法、輔臣乃于辦疏後、自認其罪、乞削奪以自明其心、而
并冀以釋中外之疑、此亦大臣引罪之道、所宜尔也、
上命該撫按拏解、可灼法司究問、崔文昇發南京充淨
軍、舊輔、輔政歲久、事關國體、不必苛求、

王紀曰、先帝潛邸、煥然景談之、令人歎歎泣下、迨
其末也、麗人之盛、成崔文昇之京劇、李可灼之紅光

同一机軸耳。夫紅丸之藥，純火之鉛也。而可以嘗試乎。既妄進藥，以致九五龍升。此時正宜討賊，而不可灼以賞。獎可灼以忠愛，寬可灼以罰條。優可灼以養病，而崔文昇者，代委之于宿疾，至一至再，夫以數十年忠肝義胆，所羽翬之元良，數十日溪山窮谷，所誦吟之堯舜，一旦戕于二賊之手。從者反從而護之，真無人心者。春秋書趙盾為弑，惟其不討賊也。不討賊何以即名為弑。以其為正卿也。傳曰：溪責執政之臣。從者縱家長三尺，難以自解矣。有味乎左都御史鄧元標之言曰：誰秉國事，可謂千載鐵案矣。嗟嗟，國法國文，交相垂滅。禮臣憲臣，互為發明。一則扶君臣之大義，一則成古今之信史。今之信史，老臣忠君愛國，防微杜漸之苦心，未可為庸涉者道也。

○下登來監軍佟卜年於法司究問，以係佟養真叛族也。○戎政尚書黃克縉予告馳駟回籍，加太子太保。○鄒縣賊會合直冲官營，統領都司楊國棟大敗，營內糧

兩月之間
易湖再池
皇上以一
身休持無
託官禁深
悶飲風實
煩其于防
檢杜漸自
不得不加
嚴慎印不
然而以新
天子假然
遊正殿疎
一九朝會

草火炮器、盡行搶劫、自蓮賊潛稱大乘興勝元年、巢
有十數、兵有十萬、欲先取兗府、次取濟南、聲勢甚銳、總
督陳道亨疏請登萊兵、盡數防兗、蓋恐糧餉有失也。○

吏部尚書張問達等、勘移宮事、當日選侍、欲垂簾聽政、

輔臣與臣等于、皇考昇華日、黎明候于乾清宮門外、

急欲進宮、守者猶攔阻、臣等排闥進、突臨畢、即請叩、

我皇上、良久未出、臣等懇請之、皇上始出、叩頭畢、

遂擁護、皇上出乾清宮門外、坐素輿、扶進于文華殿、

先叩、皇上即正位、行五拜三叩頭禮、呼萬歲、乃起、

聖駕還于慈慶宮、偶有二三內使走云、此事何不啓李、

蘇海世面
下馬是國
休何此楊
運等急於
以移官請
也

娘娘臣與諸臣卽斥言之輒去臣等與合朝諸臣議請
上登極又議登極日卽應在乾清宮斷無回慈慶宮
之理而吏部九卿等卽公疏奏選侍移宮科道等官又
各奏移官輔臣遂于直房內共具摺奏移宮皇上允
其奏今卽日撤移諸臣共快之然其心猶以輔臣之奏
不毅然先爲諸臣倡也倘其時非諸臣共扶大義急奏
撤移如再稍遲則乾清何地猶然混居令其竊靈威福
又將如我皇上登極還宮何哉○賊首奢寅僭據江
安總兵羅乾象率衆禦之一時潰敗擒其僞叅將等官
斬獲不計其數○賊在夏鎮搶奪直船僞總兵賈槐率

衆打造鎗刀、各處令集兵戎、時總督部院統領官兵至鎮、賊出對陣、先立死地、官兵奮勇、斬其賊衆、并射殺賈槐、生擒賊三十餘、入其巢、夏鎮遂平。○御史喻思恂奏言、海道猶多闕畧、中外不盡相應、名實不盡相符、人地不盡相宜、法守不盡相信、

大學士沈渥予告回籍、加少保兼太保、戶部尚書武英殿大學士廕賜銀幣如例、

禮部尚書孫慎行、兵部尚書張霍鳴予告回籍。○上嚴責刑部尚書王紀、徇私賣法、誤國欺君、革其職爲民、

紀劾渥與孔詎、魏忠賢交通、後此攻訐、此時忠賢已將用事矣、故假口劉一燝、杜茂事、削忠賢之

淫雨傾壞山海邊垣官民廬舍無算經畧王在晉與行
邊尚書孫承宗交章言窮邊水災堪憐情狀上命酌
處錢糧速行修造并賑助傷害人民○詔贈遼東死難
御史張銓爲兵部尚書謚忠烈道臣何廷魁高邦佐各
爲大理寺卿卹廕廟祭加攸張銓者張五典之子也仗
節殉難忠義特甚上嘉之着并何廷魁高邦佐建祠
都門之外春秋致祭特賜祠額曰三忠○大學士何宗
彥等上捐申救王紀懇乞曲賜攸容上原職不從
八月升楊漣爲太常寺少卿○妖賊冲營都司何威
兵敗尤擊張榜等皆死之○刑部右侍郎楊東明等奏

此天不欲
叔之據此
一方也

西河失守、經撫罪不可逃、已經會勘明確、各據律、坐以
大僻、鉄案已定、職守無虧、脩皇上感御史之言、下伏
議之旨、臣等仰體聖懷、豈不謂承平日久、法紀廢弛、
不震雷霆、誰起積玩、故懲一儆百、用以勵世、磨鈍轉移
世道之大機也、疏入、從之、

五月二十、遼陽城起白雲、後起黑雲、變成紅雲一塊、從
空墮下、火光滔天、人與畜燒死幾盡、○景州妖賊屯阜
城、武邑殺人祭旗、聲言直取景州、焚掠四十餘里、我兵
前往對壘、賊首于弘志見戰不勝、脫紅袍、換綠袍、倚恃
刀馬、飛舞而來、被我兵斬于馬下、賊首被殺、餘俱四散、

被靡又生擒妖民田付民等于是賊衆牛朝利等退據
白家屯白家屯者白監生之宅頗有形勝中有大樓外
有磚堡賊又另挑深壕伐樹木爲寨柵以爲固守計

有賊劉永明者係歷縣一派分拾艾山主艾山者名
曰趙大爲稱安民王以二十八人塗面稱二十八宿
口稱我佛出世二十八宿俱已下界尔何不速從從
我者有大利益以此惑人約集有二萬餘合鄆歷等
處共十七枝及獲劉永明開刀祭旗臨刀元稱某
人受享已幾但弟子不來教云云其僞強如此

六月御史游士任奏言本月十六日未刻黃河清自宿
遷起數百里許鬚眉皆照掬以烹茶潔淨無滓

家語曰黃河清聖人出聖
主已當朝矣安用再清爲

七月初五萊州地震有聲如獅吼自西北往東南去屋

見機明決
不俟言

瓦皆動、次日怪風大作、拔木伐屋、黃河岸舡、有被風浪、
掀送在岸者、初七日申刻、日四珥、珥旁有赤氣一道、狀
如虹蜺、忽成一人、字頭向南、腳向北、如筆、寫久而不散、
高汝斌曰、年來怪風靡發、不應而赤氣似人字、頭反
向南、腳向北、又橫旁日珥、此豈逆妖之應乎、故見河
清不爲吾見、天變之
異、又不能不懼矣、

兵科給事朱童蒙疏劾都御史鄒元標、副都御史馮從
吾、建壇開講、劇金立院之非、標吾上疏自理、上敕詔
答之、工科給事郭興治具疏復劾、內有比擬妖賊等語、
上責其狂悖朋謀、奪其俸三月、于是元標從吾五疏乞
骸、溫旨特留、標卽移家出城、封印署所、上客于告回

藉加元標太子太保馳驛而去

高汝栻曰元標忠孝大節夙著海內從吾一意躬行規言舉動不欺暗室二人臭味相投公餘講學苦無棲坐乃于城隙官長出價相借遂命司務呂克孝為工改作所費雖出諸臺臣不逾幾百金耳于是為三元朱童蒙等効之一老儒然去國賦因是而有感焉天下治亂係于人心人心邪正係于學術昔隆慶丁卯戊辰徐階當國舉諸計臣千餘人手書識仁定性二書與諸人相商度未嘗以此少階之相業也神祖朝癸未乙酉間頗憲成郭正域開講于演泉所時執政中時行亦嘗過從况初建書院豈為名豈為利豈為遊晏豈為子孫世守之業不過以夷虜交訐邪教披倡假以提醒人心激發忠義耳先臣王守仁當兵戈倥偬之日亦不廢講若日講學一事但宜于斥逐之臣以澆其壘礪消其抑鬱非救濟之良方視吾道亦大輕視林下諸人亦太淺矣

大學士孫承宗條次諸協兵務并言經臣王在晉精勤

有餘而沉雄博大之未能舉閻鳴泰王汝經李三才可用下部行之

奉宗行邊回京適值經筵之期講畢陳奏請身親督理開城兵務云

贈義烈鄉賢董盡倫光祿寺少卿蔭子正千戶世襲仍立祠歲祀○山東妖賊流劫金山口徐州震動○初九日文華殿日講十二日經筵十一日幸內教場閱操○以南京禮部尚書顧秉謙爲禮部尚書經畧尚書王在晉爲南京兵部尚書閻鳴泰經畧山海關巡撫遼東以董漢儒爲兵部尚書孫瑋爲刑部尚書陳荐爲南京吏部尚書○上命大學士孫承宗刻期赴關鹿善繼隨任

并發帑金三十萬軍前給用承宗親下教場考選將材
越一日卽陞辭不帶兵將止有南兵護送至通州而回
三法司擬奸細杜茂劉一嶽劉得功實承武等斬罪總
兵達奇勳什放立功總兵薛來胤回衙門聽勘從之佟
十年流三千里上着另議具奏十年之獄凡三讞矣因
部伏有逆族萬不敢保之奏是以有瞻顧兩端之責復
命確訊奏伏○貴州總兵楊愈懋推官郭象儀與賊戰
于江門白杵營死之其時楊愈懋鄧茂官郭象儀三營
在門鎮而愈懋不待兵齊輕易深入及賊至兵貴談大
孝先逃各營聞風皆走兵器衣甲盡弃惟茂官一營全

而歸之

信王即今
生母

八月禮部擇二十二日冊封 皇五弟爲信王次日於

已故李氏
乃其親母

尾極門外東廡百官行禮。冊封選侍李氏爲莊妃。

信王者也

御史張諭進善擊飛石人員八人以備效用有旨着京

營撥兵演習遂發山海關應用此蜀中所稱七燒炮及

獨甲虎百步之內飛之無不中者和州千戶步上達制

造論以獻上旨以人員未諳飛用故復解進善打人役

李進忠等○以黃汝良爲禮部尚書王永光仍以戶部

尚書管南京都察院事○原任經畧遼東兵部尚書王

在晉予告回籍○議卹遼左戰亡將士劉渠初秉忠贈

少保左都督世廕賜謚立祠張斌贈都督僉事從祀附
祭○浙江巡按傅宗龍上救滇之策欲于建昌開路下
部伏行○山東巡按董羽宸奏言官兵勦賊大捷恢伏
滕城○安邦彥困圍貴州省城巡撫李穡御史史永安
副使劉玄錫死守總兵張彥芳率敢死之士救之○二
十八日卯時演象所內火藥房燬○升朱燮元兵部右
侍郎照舊巡撫四川升李穡兵部右侍郎史永安太僕
寺少卿仍着協心調度相機戰守務保萬全○翰林院
修撰文震孟敬陳勤政講學之實皇上昧爽臨朝寒
暑靡輟于政非不勤矣而勤政之實未見也鴻臚引奏

跪拜起立。第如傀儡之登場。了無生意。則皇上之聰明。何由開暢。職意祖宗之制。倡六科。則六科必當以次白事。唱西臺。則西臺必當以次白事。奉旨某部知道。則某部之正卿。亞卿。又必當以次白事。職糾彈者。糾彈職條奏者。條奏。剖折機宜。獻替可否。皇上憑而聽焉。與輔弼大臣面商而裁決焉。雷厲風行。斷不踰頃。不惟聖智日以明習。練達。卽在庭諸臣。亦且可以觀其氣節。可以試其倉卒當事者。日精思于職守之內。而無有扶志事外者。亦興起于景色之新。而各有奮心。若僅僅揭帖一紙。長跪一諾。北面一揖。則旋進反疏。畢朝儀。安取。

此○爲○行○身○緒○橫○玉○腰○金○爲○也○經○筵○日○講○臨○御○有○期○于○
學○非○不○講○矣○而○講○學○之○實○未○見○也○史○臣○進○講○鋪○叙○文○詞○
第○如○蒙○師○誦○說○無○少○開○悟○則○皇○上○之○庸○智○何○日○周○通○
藏○閱○祖○宗○之○朝○君○臣○相○對○如○家○人○父○子○軍○國○重○事○
閑○閑○隱○微○無○不○諮○詢○無○不○洞○達○故○雖○深○居○九○重○而○情○形○
畢○照○懷○奸○挾○術○既○無○竇○可○以○自○藏○左○右○近○習○亦○無○緣○可○
以○蒙○蔽○若○僅○尊○嚴○若○神○上○下○拱○手○精○神○不○振○提○醒○不○靈○
恭○默○之○容○或○久○而○生○倦○跛○倚○之○衆○亦○總○而○欲○休○經○傳○典○
謨○祇○成○故○事○安○取○此○正○笏○垂○紳○展○書○簪○筆○者○爲○也○疏○奏○
數○日○不○下○庶○吉○士○鄰○郊○上○疏○日○頃○見○修○撰○文○震○孟○一○疏○

私慶有爲明主忠言之人意。一皇上天佑聖明、必將遐思。溪悟立見施行矣。乃侯之決句未蒙報聞。臣以章奏之批答、官府間之騰理也。或朝上而夕下。則君與臣相知。君與臣相知。則大臣不得以攬權。小臣不得以營寵。近臣不得以蔽明。一付之寢閣而中有不可知者矣。又曰。若經御覽而留中。則非止輦轉圓之義。若不經御覽而留中。必有藏伏與援之奸。有識寒心。未得所謂考之本朝故事。此弊惟武廟與神廟末年最多。在武廟時。皆因權璫之煬。璫在神祖時。則係奸輔之藉。叢其故皆有不可知。及其可知。則相顧嘆息而無可如何矣。

海廟馬駝
與文新二
疏皆人所
難言也安
得不降削

上怒以朝儀大典輒肆輕褻比擬傀儡藐視廷臣如戲
鄭鄮黨護窺探俱降三級調外任○太僕寺少卿蒲朝
荐奏陳乞骸建言邊榮棄城緝奸諸事種種顛倒又曰
此顛倒也成于陛下者十之一二成于當事大臣者十
之八九剛愎者滌縱而番弄機鋒柔險者委蛇而固護
營壘徂獍者觀望而密探聲息浮游者虛擁而弁視遽
盧以祖宗輝金玉煥之義典屑越于畫蛇指鹿之訛言
以祖宗龍攀鳳附之忠賢摧折于劍腹戟拳之毒螫以
祖宗御風沐雨之基圖破裂于雕鷹美犬之樞榮溺子
計專施 淫婦口善汚人疏入落職為民○河南開封

府禹州離城四十里壬店以此有山一帶名曰岫嶺迤西爲大隗山又西爲軒轅洞山勢崔巍諸峯秀麗有鳥高六七尺渾身彩色頭上豎毛一撮集于此山隨有大小羣鳥俱來隨拱四面旋繞東南西北皆古蒲衆往視之各鳥張翅鵠立向人作勢令人不敢迫視是日天微雨至十二月飛去○四川獻賊首樊龍張彤何若海等黑蓬頭倖詔以何若海處決樊龍等到碑傳示四夷昭布天下

十一月御史楊維垣劾刑部員外顧大章受贓四萬創爲八議之說以脫熊廷弼大章上疏自辯下部勘議○

升趙南星爲都察院左都御史。○獻山東妖賊俘徐鴻
儒等到屍梟首有差。傳示九邊。昭布中外。○刑部擬光
祿寺丞李可灼發遣沙溝守備王文燁懸首橐街。從之。
○詔賜大學士孫承宗督師總鎮等官王象乾等各貂
皮有差。○南直巡按御史易應昌進車砲製式。○升余
茂衡都察院左副都御史。協理院事。周應秋工部右侍
郎。協理殿門工程事務。楊述中兵部左侍郎兼僉都御
史。總督貴州兼制湖廣雲南等府。○命劣轉科臣霍維
華孫杰優升京堂。

十二月發帑金三十萬以餉滇黔之師。○督餉巡按江

武帥趙俎
果駭臨聞

宗室開科
始此

日彩因援遼總兵毛文龍將東征將士海運委官竊效
按臣復命之典人列四六考語特疏舉刺甚至朝鮮君
臣與夫宰執經畧督餉部院司道管餉主事登萊巡撫
海防各道及于餉臣無不人列姓名盡在薦揚之中武
帥趙俎深駭聽聞乞勅其練兵乘隙掃蕩奴穴無節外
生枝自累功名○大學士何宗彥等奏宗室開科此係
特典足光天璫上以爲甚得風勵之意命著爲令○陝
西地震如雷肅夾山嶺等處地震天鳴星殞○蕩平妖
賊加升趙彥爲兵部尚書兼右都御史張鳳翔馮嘉會
各升右副都御史○大學士孫承宗奏老臣當體邊事

當嚴保留總督王象乾撫順西虜終完其局從之。○命朱國禎顧秉謙朱延禧魏廣微爲大學士入閣辦事。○命遣浙江舉人錢千秋戊主考錢謙益分考鄭履祥失于覺察各罰俸有差。○巡撫王三善解黔省之圍三善在平越候楚蜀兵不至不得已詔諸將諭之曰省城不能待矣外援之不至吾輩死于法亦死死于敵亦死爾其效之乃令道臣何天麒督兵七千從清水江進爲右部命道臣楊世賞督兵萬餘從都勻進爲左部撫臣自將二萬兵道臣向日升從中路進當賊鋒人有議臘月不行師者三善斥之遂于是日窺日之力欲抵新添人

三善親身督陣與領事官兵卒相命能以寡而禦衆以勞而待逸孤軍而脫十萬重圍歸此便是奇功何必更論戰

言部署未定。蓋候諸三善曰。毋庸兵貴神速。初二次母猪洞。初三次新安。去新添四十里。是夕合營大驚報賊至。就退兵。三善曰。退則羞粉耳。吾以死之。按兵不動。卒無賊知。爲奸細訛言。使站立不定耳。初四命劉超爲前部抵龍頭營。三善以身尾之。相去不二里。聞銃聲衆股栗欲止。三善曰。前驅當賊誰敢退者。吾當後至。遂策馬而前。未一里而捷音至。日劉超破賊矣。超兵遇賊果却。超下馬斬兵二人。持刀斷賊一標。有賊首阿成號勇特甚。超與部兵張良俊直前斬其首。賊遂披靡。遁撫臣之兵後至。大噪齊進。奪龍里城。賊四門齊攻。復大戰却。

之初五住龍里衆議曰此地去省會四十里賊必有重兵堵截。量而後進可乎。三善曰此行累數日糧爲必死之計。不能持久。吾初至賊不知我兵多寡。宜急擊之初六侵辰策馬先進衆隨之賊覘者始知新撫自將意有數十萬兵至相顧駭愕。安邦彥給其衆曰吾當增兵來助。竟遁去。賊衆相率退屯龍洞。我師遂奪高寨七里冲之險。初七進兵畢舖。賊步騎如雲。觀者失色。孫元謨將所製木發貢七門齊發。賊死無算。楊明楷率烏羅司兵如牆而進。賊亡奔。所棄餽重器械山積。遂乘勝抵城下。營于南門外坡上。設帳大雪中。次日移營宅溪。賊遠遁。

陸廣河外

此一舉也人危之者曰奇着險着有幸之者曰天助
夫以二萬餘人選留之兵揆發于一旦及龍里而賊不
知及聞城而會城不知何謂非奇三善一書生耳將
孤軍深入而不顧曲賊之截不慮糧餉之乏何謂非
險以二萬師當十萬衆屢戰屢勝兵不血刃而逼尸
載道且進師七日天風清爽退賊之夕兩雪存乎何
謂非天使人長奇着必尋平着畏險着又尋穩着
比及平穩時求黔城官民于枯魚之肆矣然則三善
下奇險之着乃恰達此或然之數豈值天佑之耶遊
天之幸耶愬于是而服其立志之一發机之迅堅定
之識敢勇之氣決策之審焉以半載遲回之苦心七
月衝鋒之定力表而出之爲勇功之定按云

吏部遵例請行行取之制列名上裁上謂言官多且
暫停今次酌定年期以垂永久吏部又奏業已行文欽
取勢難中止請照神祖朝留部之例俟科道缺員另

行特請。上命暫停。已取者伏任。以後三年一取。○縣師擊殺逆酋安邦俊等。餘黨潰散。以捷聞。上嘉其才。侯事平攸序。○山東巡撫趙彥奏請獎勵賢王。上曰。魯濬素著賢聲。今又損貲助餉。獎勵以白金文綺。

癸亥天啓三年正月。福建紅夷倡亂。紅夷寓居東海去琉球不啻萬里。從來貢賦不通。九譯不達。自萬曆甲辰七月。紅夷常麻郎粟菖等。聽高采旬外。以千人爲巨船。索互市于澎湖。至毀軍門碑示。叅將沈有容孤身往說。遂去。今復有奸人勾引。罔以漢物。一日從大洋。飄至澎湖。縱橫海上。焚劫鄉村。漳之士民。患切剝膚。撫臣商周

祚雖一創之尚爾盤踞。列其事上聞。上命巡撫官督率將吏用心驅除。併命廣東協勦。

二月提督操江熊明遇奏上元江寧等縣地震。應天寧鎮揚州復稱地震有聲。蓋根本重地。豈宜作震動之象。毋亦高皇帝之靈動乎。其有不安者耶。嗟夫田汝方疾耕力織以佐陛下之錦衣玉食。而傳造之頭派大。浮內監之料價踰額致極。按不能伸其庇民察吏之權。水衡不能操其量入爲出之筭。一不安也。吏道龐雜。漁奪百姓。奸邪並生。赭衣塞路。而良民常以無辜飢寒死。獄中彈劾保薦。卒馮氣力爲行止。而田夫野叟之公幹。

晉康高宗
 婦升于異
 能省其款
 延享百年
 之歸齊人
 有告其君
 以地動者
 晏子曰此
 不足慮是
 見勾星仲
 而往星散
 耳能修其
 政齊亦無
 也

身明法傳金
 塵淤不得上聞。二不安也。箱簾空虛。民以飢餓。自賣爲
 人奴婢者有之。獨吳中數郡。偏屬豪民。負田宅子女。投
 充貴勢。漁食閭里。曲避征徭。聚劇由役。專累單寡。剝產
 鬻奴。搥手縛禁。民怨私沸。有司莫告。三不安也。水陸軍
 兵。緣承平之久。戲同壩上。而將吏貪不愛卒。又侵牟之。
 各衛祖軍。枕梗其形。侏儒其腹。府吏胥徒。抗敵巧法。割
 貧軍之糈。爲常例。半不可破。開天首善。曾無武彘精兵。
 一當緩急。四不安也。浮游奇民。剽輕好怪。談兵說劍。家
 藏禁書。路詣妖語。不奉虎符。擅行弄兵。詛盟歃血。伏莽
 候便。其雄又能象子公之力。走貴人之門。操持短長。論

視聽而三家五戶之間少抱鵝狗之才者無不橫金張
蒼輝赫鄉井五不安也中都帝鄉芒碭荒莽淮南咽喉
梁豫大牙五湖清濁吳越盤互龜丁鹽徒非民非商所
以盜賊如雲連帶江海焚燔官寺篡取獄囚劫殺長吏
蓋天下極大利大害之地倘有司撫按不平搶攘立見
六不安也伏願 陛下穆然深思淵然遠覽反身修行
思其咎無豈不亦善承天心仁愛也哉○刑科解學龍
奏請 皇上赫然震怒天語叮嚀勅邊疆之臣鞠躬盡
瘁毋以閑著作急著 勅中外各官精白一心毋以民
財作已財則文官不愛錢武官不愛死而天下平矣○

刑科沈維炳奏言時事百無一恃所慮者主聖臣直之盛事或撓亂于在旁時也亦獲之苦衆或撓落于以類陰魔有伏莽之戎陽德受駁難之罪不報○江西道御史陳必謙奏言都督鄭養性父子所以叢疑積恨于天下者爲先帝聖母與通奴三案而已恭繹明旨似謂惟皇祖之愛不忍加誅夫皇上顧念皇祖獨不念先帝乎卽皇祖而在料必不忍以親子之愛付逆賊之乎而況皇上身爲先帝之子者哉試深宮靜夜追維思省其銜悲更苦骨肉至痛當伏如何悽惻何以慰聖母之深憫何以迺先帝之遺恨通奴

之案甚確。昔年蘆受私紹參之利，豈無因而至前，即今王忠梁單開結奴內應之事，窮盡子虛烏有，至結妖蓮前呂鵬雲於去年五月初四日上疏點破，初六日鄂城之難作，太名濮州一帶妖黨動輒云奉鄭督教令爲辭，而白蓮教之在北直河南者，盡納丁銀於其家臣，願皇上之恍然思之，而有以處養性也。上命鄭養性離脫都門，擇便住居，不許棍徒詐害。○太子太傅工部尚書王佐卒，詔贈少傅，祭塋，謚如例。

按佐初起水曹，出守南郡，督學西江，剔力盡瘁，再督開府，神廟時水旱頻仍，兼以稅增流毒，吸鹽吮膏，慘于兵革，佐鎮撫茲方，銳意調停，苦心請命，稅使將城而不取，是稅既足其額，收事柄而還，以無故南方，頃

舊馬佐

浙江人

詔賜總兵毛文龍尚方劍、璽書、閑防，加其弟毛雲龍錦衣衛職銜。○大學士孫承宗疏奏陳邊計，勸守機宜，部署將吏，溫旨改答。○貴州副總兵劉超兵至陸廣河，與羅兵大戰，殺敗羅兵，前仲過河，渰死者不計其數，斬獲首級百餘，墜崖死者二百餘人，生擒男女五十餘口，事聞，敕詔褒答。○蘇杭太監李實欲以屬禮責之，有司前已劾知府張宗衡等，周起元疏辨，事下部，部復云：「查得萬曆年間，司禮太監孫隆奉旨織造蘇杭，待府縣正官皆以賓禮，惟織造通判始行屬禮，然尤周旋委曲，不敢

尋職違阿
實內相也

妄自尊大。李實心地慈祥。性質謹厚。惟是名下長隨司房。知貪利。不知爲國爲民。以爲不激發內監。則不足以聳動朝廷。不協制有司。不足以魚肉百姓。始而叅舖商。始而叅機戶。始而叅驛遞。旣而叅有司。多方撻置。廣行剝削。遂使一年數萬金之厚賄。歸于司房。三省數萬姓之嗟怨。歸于內監。蘇杭等府。皆朝廷錢糧之淵藪。國家根本之重地。邇因賦煩役重。以致民窮財盡。變生意外。若再加激變。一旦挺而走險。弄兵潢池。東南之半壁天下。不知所終矣。不聽。○以盛以弘爲禮部尚書兼翰林學士。李長庚爲戶部尚書。李三才南京戶部尚書。○工

部尚書姚思仁回籍以鍾羽正代之。○禮科成明樞奏請禮部速修易名之典。我朝洪武至穆廟時得易名者五百八十餘人。神廟自三十五年至三十七年議定二十九人。自三十八年彙至四十二年及四十五年又有四十四人合前請。古未發至。皇上龍飛元年二月。允禮臣之請。各予以謚。雖出自皇上而實神廟四十四年以前所定者也。國制五年一彙名。議謚今已逾期。禮臣應自速舉。各省撫按亦宜將近日應謚者一體發訪事下部。○水寨斬獲功多。賊奔據後山洞。死守洞門。火攻賊衆俱成灰燼。軍聲大振。○兵部奏孟承先一門

義烈不愧賢裔，下部褒贈攸卹。○奪福建道周宗建俸三月，時南臺徐世業劾周宗建保舉熊廷弼，宗建疏辨詞連郭鞏，鞏劾其邪黨橫議，宗建亦劾其橫議愈肆，奉有熊廷弼罪案已定，不必爭辨之旨。宗建又上結黨巧借一疏，上怒其互相攻訐，駢辨求勝，故罰其俸。時忠賢用事，疏內有交結宮闈獻媚進忠之語，愈深其憾。異日寃沉獄底，夫非此跡爲之祟哉。○以吏科給事李春煒往登萊查勘巡撫陶朗先并募兵御史游士任兵餉數目。

左都御史趙南星奏言申明舊例，御史考滿堂上官發

此役也
不止將師
而且失地
失

河南道查核考察，不稱其職，奏改斥疏入。上甚嘉之，使著爲令。○水西提兵大集，我師渡河，深入陸廣，將楊明楷王之時死之。我師渡河，視賊大易被賊所誘，迫敵不支，賊斷浮橋，我師多有墜死者。總兵楊明楷陣亡。次日，賊又迫戰鴨池河，張金二總兵各退守威清龍里。土官見我師失利，復據龍里。○刑部尚書白瑜卒，以孫瑋代之。○永平府永鎮東門失火，自火藥樓廨及草場、城樓、窩舖、女牆、火藥、甲杖盡成煨燼。城內外民房軍屋盡爲瓦礫，遭壓焚死，破損焦爛者，不計其數。

時火勢飛梁，鄰柱近者百步，遠者里許，火箭到處便焚。此處解山海火藥暫寄城樓，接放時誤以鉄器投

石石上火星有藥一時焚起又曰鉅鎗而起細究云鉅鎗者乃訛傳也

總兵劉志敏率兵至大水塘攻奢酋斬其酋長宋萬化生擒其妻子姊妹并偽軍師劉洪祖廿二人焚燒賊寨一百餘處生獲不計其數○虜款告成薊遼總督王象乾奏聞上以籌畫綜核費少功鉅答之

鄧元標曰表心無忌之徒借國家急難以小民膏血落錢肥家子孫寧有受凡益指年來募兵給餉者而言耳至若款虜一事亦屬庸之策世一虜加餉至于百萬之多且年復一年雖有鄧之策世一虜加餉至于必東商至而自困矣今象乾以少費而日功真國家之福然須嚴與之約期在今年或明年以廣貨此言實如之不然不能如數應可壯精神耳此言極為有見

升御史左光斗為大理寺丞○貴州巡撫王三善督率

道將冲殺賊衆繇龍里追至陸廣河斬逐穢賊招撫苗

仲賊遁歸巢

高汝拭曰自陸廣失利驍將楊明楷被擒王之時等陣沒我之聲電俱損陽池一路爲賊中散總兵張彥芳募兵入保道路梗塞黃沙河一帶皆宋萬化所據苗仲諸夷蜂起助惡龍里一帶復爲土得中奪據都司章有功等退守新漆嘎咽漸塞生靈不通依然昔日危城中光景昔日尤有偷米鬻者今則浮糧一空寸粒無存城中士民皆無日忍督臣遙制沅州勢不接濟一置各路又無兵戍乎殆矣幸有此舉危而復安邦社稷有堂矣以得此

湖州葉朗生反知府杜喬林密得其狀緝平之

葉朗生之黨其間皆統禪不檢之徒嗜聚成林終日舉事器其秘密種種皆備喬林知之出其不意一鼓而擒之群賊盡人逸竄不無其人而先事之功亦已偉矣其後吳野然之妄歸罪喬林謂入獄與語等情

意冤矣况其去任已久此之長歎
天結地爲喬林控訴于按臣也

調刑部郎中周以典於外奪其三秩、

倪文盛內庫財物雖已三次請擬殺罪矣。忠賢必欲處決。因責其索贖回奏。仍委別司從重擬罪而降以去。

詔朝儀各款查照會典酌定依行其開朝一款仍照

皇祖朝例。臨時命司禮監二員同科道鴻臚寺錦衣衛衙門官分查。上臨朝。武臣自元勳文臣日九列。參寥。

數員其餘庶官易于躲閃班行殊寂竟不成禮御史王

曾齒待疏糾叅故有是旨○輔臣葉向高朱國祚來總

階等屢疏乞骸。上宣諭頻留。

第五卷

大學士葉向高奏言貴州危急已極撫臣王三善請帑金三十萬事勢不得不應伏乞皇上慨發上允其請搜括內庫十萬又于隣省措置十萬着于南部脩濟十萬戒經管侵欺以後急需不得專靠內帑

天下財賦之區非據減于祖宗之舊也兵興以來加派不已繼之搜括繼之捐助抽叩以及一切瑣小事例弄無遺策言利又非析秋毫也朝廷節大發帑以千萬計漢居益下又非不浩蕩也試思自來軍餉之費有如此之煩多否乃援遠援蜀援黔將士之多無有三十萬也所入之數苟足以供所出即師旅額興尤然不失為富足之天下而何以餓軍之鼓謀日陷大會之積財如法甚至司農束手急下考成一日而郡守則藉者數人職如濕束此何以故則盜臣利吾父之危乘封疆之急設獨天獨局以六援取致國家空虛至此極也究及所頒之餉或以十九萬計或以六十八萬計或以八萬五千計或以八十五萬計軍

事結局無期。國家懸幣益甚。大可憂心。宜申國法。

刑部主事譚謙益疏薦異才宋明時足以登壇專閫時兵部郎王繼謨叩其中藏不過書符作法請玉帝之勅旨。謂天帝之神兵而已。始曰需兵十萬繼謨以為難。則曰一萬亦可繼謨請試其法。則曰法不可試試則法敗。惟待臨時做出繼謨遂黜之。

鄒維璉曰自古布衣登壇如呂望韓信實不常有其餘衛霍李郭張韓劉岳諸人多起卒伍偏裨積累為將然胆智才力絕人超世豈常談神說鬼乎古者重尤作法能布大霧迷軍士其術神矣黃帝與蚩尤鹿斬之漢張角晉盧循孫恩元韓山童劉福通俱以鬼神邪說惑衆竟至于敗。我朝永樂時之唐賽兒近世之徐鴻儒皆以妖術伏誅即永時金人犯關柯索賊于鄭京之說謂神術作法可生擒金酋劉年閱六

丁巳年北斗神兵之法亦賴郭宗後禦金人皆成走
燕間夫還將不以霜暑而以是神世間寧有此理哉